

# 卷七

書名 壽昌縣志十二卷首一卷 據乾隆十九年刊本鈔  
 撰者 清 鍾沛 修, 清 陸銘一等 纂  
 卷 卷七  
 內容分類 史-地理-今地志-浙江  
 索書號 史部-地理-都郡-197  
 編號 B2650500

[彩色首頁1](#)

[東洋文化研究所漢籍目錄 編號: B2650500](#)

[東洋文化研究所漢籍目錄所藏漢籍善本全文影像資料庫 索書號: 史部-地理-都郡-197](#)

[漢籍善本全文影像資料庫文本壽昌縣志十二卷首一卷 據乾隆十九年刊本鈔](#)

[版權所有: 東京大學 東洋文化研究所](#)

[使用上的注意事項](#)

壽昌縣志卷之一

歙州府

知府事加六級紀錄九次吳士進  
 同知府事加三級史鳳輝

全鑒定

壽昌縣知縣加一級紀錄四次鍾沛王修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

建置沿革

封建變而郡縣因時立制沿革靡常年世  
 雖遠大畧可考顧變者制也不變者地與

所究研京東院學化文方東

No. 862 三



所圖書

所圖書



壽昌縣志卷之七

嚴州府

知府事加六級紀錄九次吳士進  
同知府事加三級史鳳輝

全鑒定

壽昌縣知縣加一級紀錄四次鍾沛主修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培


鄉達

士君子位顯道尊文名行著得與於青史  
而垂芳不朽豈不榮哉然史法三品以上

乃許立傳則得與於傳者不亦難乎夫朱邑之嚮夫仇香之主簿皆附見前策何有於邑乘今以登仕版者概列之其卓卓者為名將相榮光遠照而其餘亦得居十二乘之末使不至泯沒焉斯已矣若事跡缺如一仍舊文不敢意增也志鄉達

陳

周文育一都港口人南史周文育字景德新安壽昌人姓項氏名猛奴年十一能反覆遊水中數里跳高六尺義興人周蒼為壽昌浦口



戍主見而竒之乃就其母請為己子及蒼秩滿與之還都立名文育教之書計文育曰誰能學此取富貴但有大槩耳乃教之騎射司州刺史陳慶之啓蒼為前軍主使蒼將五百人往新蔡懸瓠慰勞白水蠻蠻謀執蒼以入魏一日中戰數十合文育前鋒陷陣勇冠軍中蒼戰死文育馳取其尸身被九創創愈辭請還葬會盧安興為南江督護啓文育同行累征有功除南海令尋還都陳武帝之討侯景文育與杜僧明為前軍剡蘭裕援歐陽頎皆

有功武帝破蔡路養於南野文育為路養所圍四面數重矢石雨下所乘馬死文育右手搏戰左手解鞍潰圍而出并力復進遂大敗之武帝乃表文育為府司馬李遷仕據大臯文育頻戰遂擒遷仕武帝發自南康遣文育將兵五千開通江路侯景將王伯醜據豫章文育擊走之遂據其城累功封東遷縣侯改封南移縣侯武帝以侯瑱擁據江州命文育討之未刻會徐嗣徽引齊人渡江據蕪湖詔文育還都時武帝拒嗣徽於白城適與文育

會將戰風急武帝曰矢不逆風文育曰事急矣當決之何用古法抽槊上馬而進綑傷數百人頻戰有功最進爵壽昌縣公給鼓吹一部尋以功授開府儀同三司及余公颺等擾動南土武帝復遣文育討之豫章內史熊曇朗害之於坐武帝聞之即日舉哀贈侍中司空謚曰忠愍天嘉二年配享武帝廟庭子寶安嗣文育本族兄景曜因文育官至新安太守

周寶安文育子(南史)寶安字安民年十餘歲便習

騎射後折節讀書除吳興太守文育為熊曇朗所害徵寶安還起為猛烈將軍領其舊兵仍令南討文帝即位寄以心膂及平王琳頗有功周迪之破熊曇朗寶安南入窮其餘燼天嘉二年重拜吳興太守襲封壽昌縣公除給事黃門侍郎衛尉卿再遷左衛將軍卒謚曰成子碧嗣位晉陵定遠二郡

宋

葉林縣郭東門人身長八尺膂力過人天禧中開武舉林得魁選授殿前捲簾使時稱為葉

狀元後平里人肖其像於東嶽廟今名其所居曰狀元坊

李俊字元英仁四都白下人少孤力學事母至孝登嘉祐八年進士第授給事中熙寧六年從王韶取河州還賜袍帶轉臨江太守郡中大飢發倉廩以濟僚吏請先聞俊曰人飢且死何暇俟命而後發既乃飛章自劾優詔褒美元豐四年以疾卒官

鄭彥字季英一都龍溪人治春秋元祐中第進士乙科授崇陽尉再任青田丞除真州司戶

居官以誠愛為本所至勸農興學古授宣義  
郎國子監丞彥文通景祐中第進士亦任監  
丞人稱大小監丞云

胡國瑞一名彥嘉字嘉言七都人登崇寧二年  
進士第以博洽稱大觀初預修九域志尋為刑  
修官除史館編修時奔競成風國瑞獨以在  
館為樂不覬他官宣和間寇起鄉郡命國瑞  
為相導勦之南渡後累官至吏部侍郎與丞  
相秦檜為姻家而力排和議乞斬檜以謝天  
下聞者縮頸乞外補知舒州致仕該郊恩讓

其弟國士再郊復讓其兄儔而後其子家居  
有贍士田鄉人以義坂名之歿有上高宗遺  
表忠直之氣洋溢紙上

葉三省字景曾永平鄉六都人以太學生釋褐  
為中書舍人宣和中一歲五遷歷寺監幾遍  
遷尚書右司郎中建炎初扈從陞左司除起  
居郎權給事中以直龍圖閣知宣州丐祠用  
太后回鑾恩封遂安縣男紹興二十二年坐  
詆和議落職笄州居住尋再與祠復原封邑  
如故



童淑三都童源人身長八尺面如紫玉赤睛虎  
鬚有膂力能挽強弓宣和中童貫討方臘淑  
仗劍歸之有功擢殿前將軍建炎初汪來一  
來二寇亂聞越命淑討平之授江東路安撫  
使卒贈太尉

葉義問字審言九都人登建炎二年進士第慷  
慨多大節甫筮仕即疏時相姦邪分教上饒  
護郡印輒發常平粟賑飢高宗器之擢侍御  
史紹興十九年為吏部侍郎時宰相王和議  
兵備寢弛義問請防海道守淮甸遣戍卒嚴

亦操練軍收馬比六者今日急務平行則不  
及預備則有餘尋除兼尚書陞樞密院同志  
使金還進知樞密院事金主亮南窺上命視  
師江淮御書義問到處如朕親行八字於旗  
以賜之遂有采石之捷孝宗即位封新安郡  
侯資政殿學士提舉洞霄宮義問雖居政府  
所得俸祿悉以周故人無資治第寓衢州菴  
舍以平蓋忠簡

方玠字純仲後街人登隆興元年進士第與東  
萊呂祖謙為同年友以道義相切劘歷官信

豐知縣周必大趙汝愚皆薦其才行

鄭大署十都東村人明春秋富詞藻寔宗朝舉  
進士特奏名授太子伴讀累遷秘書省校書  
郎

鄭穎字茂叔六都高橋人少遊太學有聲登嘉  
定十年進士第為刑官執法平允會時相開  
邊薦參謀官知政事穎抗論政府非賞功之  
地事遂寢守嘉禾以理卿召言者沮之且遣  
吏稽其在任出納吹毛索瘢竟無所得子瑋  
為大理評事時相以意嫉邊守下之獄必欲

死之穎謂瑋曰殺人以苟容如天理何瑋奉  
法如父教竟以忤歸穎笑曰是足為吾子矣  
穎自嘉禾歸闈一室號志齋遂不復仕

鄭瑋字伯壽穎子以父任補官通春秋領漕薦  
除大理寺評事時權相嫉邊守玉維中下之  
寺獄誣致於死瑋不屈法遂以忤歸景定間  
朝議高其節起為大理寺正出守處州除刑  
部郎中遷軍器少監倣范文正公義田法置  
仁壽庄以周宗族

翁應弼字子直五都航川人博涉羣書登淳祐

元年進士第累官至工部侍郎理宗深器之特追贈其遠祖洮為善慶公後為丁大全所陷謫竄南荒久之遣使召之則已死矣上悼嘆良久命有司歸其柩復其官

鄭琚字伯潤穎姪性明敏淳祐間登進士乙科景定中為金華尉以能稱咸淳十年遷安吉州司理參軍推情治獄人無冤濫以疾歸創義倉建永平橋鄉人德之

胡文亮字仁傑湖濱人淳祐中以貨入官既而嘆曰吾家世以經學致位清要而吾以貨補

官不貽先人羞乎遂閉戶讀書寒暑不輟咸淳中以書經應漕試授承信郎龍游縣主簿傅崧之字宗山二都人刻志好學通詩書戴禮弱冠以兩經領鄉薦鄉人尊之號平齋先生咸淳四年與子明龍同登進士第而崧之為榜眼授慶元觀察推官以內艱不赴服闋補平江觀察推官三司務殷多所咨決以勞瘁卒官士論恤之

元

周士顯字晦翁十三都巖下人宋漕貢進士德

祐末元伯顏陷臨安裨將唆都至嚴州縱兵  
剽掠將至壽昌士顯與李炎等迎之唆都大  
悅表為本邑主簿後征閩有功陞授千戶  
邵子俊字章甫八都人穎秀不群習國字就試  
蒙古翰林院歷沅江衢州二路蒙古教授轉  
杭州路司獄紹興路漕賊鹽司除漳州路錄  
事陞寧國路宣城縣尹所至廉明溫厚人多  
稱之

明

徐誼字宜叔政平坊人治春秋累舉不第明太

祖定浙東召見及太祖破陳友諒友諒子理  
據武昌太祖自將圍之遣使分徇湖北諸路  
誼作詩送之曰紅旗招颯壓滄溟鷁首帆風  
上洞庭百萬生靈新撫納九重天語細丁寧  
猿啼山月灘聲咽鼉吼江風水氣腥為報湖  
湘諸將士漢家信誓重丹青太祖見其詩賞  
之亦命之行尋知黃岡縣

徐昇三都烏石人一云南浦人登洪武戊辰進士授監察御史有直聲

方添童字以銘後街人聰敏博學洪武中以薦授龍溪知縣尚寬原民不忍欺

周淵明字孟潛十二都人少孤勵志向學洪武中以能書入中書科寫誥勅授工科給事

遷大理寺正改刑部主事擢四川布政司參議居官清素嗜讀書退食之暇手不釋卷

方暉字彥昭後街人洪武中由人才授應山知縣涖事廉明案無留牘


諸葛旣字伯衡仁四都人以善書薦入中書科寫誥勅授翰林院修撰轉福建按察司僉事陝西布政司左參政入覲赴都晨起趨朝端坐而逝

徐思銘字彥器坊郭人洪武二十六年以貢入太學累官至交陟三江知府

葉政字仲德六都人永樂乙未進士授監察御史調高安知縣有惠政卒於官

鄭鏗一都龍溪人永樂乙未進士授給事中既拜官悚然曰此職不易居也古人云言及乘輿則天子改容事闕廊廟則宰相待罪吾可以唯諾取容耶夙夜孜孜克盡其職

洪景德字艾溪市心人治春秋以貢入南監中正統甲子應天舉人授南昌府通判丁內艱服闋補判松江松江郡事繁觸刃即解在任六年濬吳淞江新涇二萬二千丈鑿曹家河三



萬餘丈華涇塘六磊塘鴛脰河烏泥涇曹河涇竹岡沙岡諸處湮為平陸者悉浚復之又建洞涇橋俞塘橋雲間第一橋民永賴焉天順中擢荊州府同知尋致仕築田園自樂亭觴咏嘯歌極林下之樂

徐莊字敬夫三都烏石人成化丙戌進士授中書舍人守正不阿在中書省十八年始擢山西布政司參議時流寇王良李越侵掠州郡逼太原勢甚猖獗莊嘆曰吾為一方守臣乃不能討賊耶平平之論功當擢為權貴所抑

僅賜銀二錠衣二襲及歸行李蕭然莊賦性剛介與人寡合歷任內外咸以清慎聞士論重之

徐節字時中坊郭桑園人從父戍貴州登成化丙戌進士授內鄉知縣歲荒死者枕藉節貸巨室粟萬石活若干人徐以己俸償之擢福建道御史三上疏數錦衣指揮牛循罪惡并劾宰臣萬安等風裁凜然出知太平府進雲南右參政破梁山竹箐諸賊遷廣西右布政使廣東左布政使進右副都御史巡撫山西


提督鴈門等三關增陴濬隍簡車徒蓄財穀邊塞宴然巨璫劉瑾矯制召還使人語曰吏部右堂五百金可得也節叱曰縱五百銅吾何有焉瑾怒落職歸瑾誅復職致仕家居十五年卒

李可正溪南人少穎悟以貢任四川達縣主簿達崇山廣土多寇盜可正偵得擒之居民安輯有冤獄積年不雪可正力請於上釋之民稱仁明未幾棄官歸養築室溪傍優游自適徐俊字用章坊郭湖濱人英邁不羣給事中童

軒謫宰壽昌俊時為諸生甚見重作友蘭說  
金蘭賦贈之後遂自號友蘭後貢入太學授  
英德縣知縣

洪福字天錫景德子治春秋以貢授長泰縣知  
縣時土寇竊發擄掠居民子女福親率卒伍  
直抵賊巢奪而歸諸其家去任之日民若失  
父母然

李賜字希貢白下人以吏員任刑部主事廉謹  
剛直告養歸再擢都水郎中尋卒  
舊志列吏職今入此  
翁寵字世龍清泉人歲貢生任南康府通判居



官清介嘗捐俸救荒致仕歸謹庭訓嚴家範  
為鄉黨所推僉事新昌蔡某贈以序其畧云  
其在官也廉隅稜角之風正直剛大之氣不  
少遜於窮約之時清慎自守常祿之外一介  
無所取處事公正不吐剛而茹柔故當路賢  
之下人德之

翁泰字元亨航頭人性恬淡沖和以貢生授長  
沙府經歷嘗署邑篆平易近民

翁楠字時貢清泉人歲貢生任石城訓導楠質  
任自然不事文飾軌身善教士多成德石城



人咸慶得師霜髯布服當事推為老成屢行  
嘉獎

徐晨字鳳鳴莊姪秀目美髯器宇俊偉以貢授  
宿州同知清理糧儲悉除宿弊疏濬汴河程  
功底績丁母憂歸遂不起文史自娛手不釋  
卷非公事官庭無私謁卒年八十四所著有  
春秋傳心要訣春秋類集大成若干卷

李鼎字廷器可正子少聰穎讀書過目無遺以  
貢任宣城丞居官清謹卻常例絕苞苴民咸  
頌之歸建石泉書院嚴課子孫子鰲阜平知

縣孫臺成進士仕至按察使人以為種德之  
報

翁鉅字良元少警敏善屬文以歲貢知長沙縣  
歲凶割俸給民上官迫於徵輸鉅獨行寬恤  
以此見忤未幾以內艱去再起知永福縣尤  
著賢聲致仕家居人稱曰默溪先生子若孫  
皆有文名

周鼎字成器會通橋上人歲貢生任安溪知縣  
安溪劇邑訟牒盈案鼎以誠篤化之解組歸  
足跡不履公庭

胡杞字天與十都胡村源人少有才名以歲貢  
卒業南雍授辰州府經歷時有選司子弟謂  
曰欲得善地吾兄力能為之杞謝曰食祿有  
方求事君而先欺君不願為也官辰州八載  
歸年八十二而卒

胡椿字天植杞從弟歲貢生任延平府推官存  
心仁恕延平故多訟椿反覆詳審必求得情  
嘗有豪猾犯法官遣卒捕之有吏別付卒一  
牌令喚他役其卒抵豪家被毆而死豪檢卒  
懷中得別牌遂匿捕已牌夜移卒屍於他役  
門官以他役抵罪屢經覆訊莫能白椿察知  
之乃置豪於法聞者歎為神明

洪瑄字介夫市心人由例貢任安福丞清白剛  
正豪勢畏憚擢知都昌縣有政聲陞陞山西  
潞州審理轉右長史


徐珣字粟夫俊子歲貢生任信豐訓導修葺黌  
舍力振士風以疾乞歸臺使署其狀云徐珣  
乞致仕其節可嘉復移文原籍以表高尚

洪鉞字廷威景德孫以例貢授新昌縣丞擢青  
縣知縣改桃源縣丞與修泗州陵寢當遷官

以忤權貴歸

李鰲字龍潭幼承父訓力學勤苦嘉靖戊申貢入南雍卒業而歸謁選得滇之蒙化衛經歷轉阜平令阜平土瘠賦重民苦凋敝鰲緩催科務積縮歲飢多方賑濟全活甚衆及子臺成進士乃喟然掛冠歸臺別有傳次子度以貢任義烏訓導遷吳江教諭

李臺字國佐嘉靖壬戌進士司李漢陽有平反聲拔蕭良有於童稚自課之良有後冠南宮時謂知人攝府篆親藩橫征溢額民甚苦之



臺力為申請遂減其半召拜工科給事中彈劾不避權貴轉陝西副使道陝有洪堰時廢壞臺相度地勢親督畚鍤期年而竣陞貴州按察使上官祿氏等奉常例萬金卻不受理刑獄民自以不寃病既亟曰吾以身殉國即死萬里外何憾正襟瞑目而逝僚友為文哭之有忠盡在朝廷循良在郡省句所著有文岡集掖垣疏畧數十卷學者稱文岡先生

吳御字一龍三都吳山人蚤孤力學為邑校名儒以貢授膠州訓導著海運策轉蒙州教諭

歷福州府教授纂修八閩通志校刊十三經注疏當事雅重之與生徒講學於道山書院

以疾告歸

舊志遺此今從府志補入


胡同文字子尚十都胡村人嘉靖乙丑進士歷刑部郎擢守瑞州俗尚囂訟同文理以鎮靜轉兵備南瑞道復轉糧儲皆在江西政尚簡約人皆頌之致政里居年甫六十而卒所著有松麓文集

洪試字明時坊郭人幼英敏垂髫補邑校諸生以孝行推重以歲貢授鉛山訓導攝縣事清謹自持轉文安教諭擢廣西賀縣知縣縣多猥獷試安輯為勞遂卒於官著有陽峰詩選四書說約

諸葛昇字孟旭坊郭人聰穎絕倫舞象即食餼以選貢授定遠知縣廉介自持治行冠江北以外艱歸補山西臨縣築城垣興水利課士育民政聲赫然通判廬州擢陝西慶陽府甯夏專城同知以省親歸里卒未獲竟其用士論惜之昇為文有師法尤精於聲偶散見四六瑤函類函諸書

徐三長字秉衡坊郭人府庠貢生知南召縣南  
召僻處山谷頑梗難治三長興學校平徭役  
發奸摘伏政無不舉時當軍興徵發轉輸游  
刃有餘

毛鳳彩字樸卿坊郭人崇正甲戌進士知華陽  
縣鳳彩自為諸生即奉行袁黃功過格既之  
官以巫峽萬里不能迎養乃齋戒虔禱願潔  
己愛民減己算以益親華陽故省會藩封之  
地糾紛難理吏至輒蹶鳳彩立十禁十約開  
誠講諭士民服從興學校刊功過格詒與子



衿相勸勉凡經品題者無不得雋以去有一  
榜半桃李之謔時苦王府胥吏橫行尤苦盜  
而強宗實為之巢窟鳳彩廉得其狀親督吏  
人詣南川府內擒獲大盜羅成業等三十四  
人臺使者大書名高破柱四字旌之丁丑冬  
流寇入蜀遠近震怒鳳彩指揮堵截望風遁  
去時傳城中藏甲伺變大賈半出關西為賊  
耳目鳳彩力爭其枉賴以保全以卓異徵行  
至楚中聞父喪祖既而歸崇正末土寇構亂  
鳳彩破家護桑梓年七十有四卒有三異紀

祥刑編戰守捷功錄蜀人傳之子可威孫際  
熙際鵬皆以廩生貢入太學曾元孫補博士  
弟子者繩繩相繼

皇清

唐有譽字直民麻車崗人少負雋才工古文詞  
以貢生謁選授長安丞長安為關內首邑案牘  
牘繁冗有譽剖決若流順治間行文田法大  
吏委之履畝有譽念秦地廣衍方幅輪囷浮  
於原額者必將無算是纍纍者杯土窳窳何  
忍更以丈尺徵其子粒凡瑩域槩不編入民

陰受賜與修陝西通志採撫精當擢南鄭知  
縣致仕歸以微疾預知死期脫然而逝

翁之泰字魯嶠清泉人順治戊子拔貢生入禮  
部試高等授泉州府通判甫到任即攝惠安  
縣事值歲侵飢民嗷嗷之泰撫恤倍至康熙  
甲辰征臺灣兵馬雲集勤於供億以勞瘁致  
疾卒之前一日惠安有莊姓者夢儀仗整肅  
輿馬雜沓傳之泰權輿化知府既而驚寤聞  
已逝矣民為之拊膺之泰多藝能字臨右軍  
十七帖有古法畫師大小米筆意淡遠

方兆日字應之後街人前明崇正丙子舉人六  
上公車任富陽教諭抵任即捐俸修學宮勤  
於課士士多成就遷處州教授處郡文風頗  
靡尤加意振之有士逋賦有司欲聞於臺使  
請加嚴治兆日鬻產為代償士德之平年八  
十

翁旦字振周清泉人通經史諳武畧順治乙未  
武進士任廣西三里城守備猺獞蠢動旦自  
將討之深入重地度不免瞋目厲聲曰予身  
受閩寄豈可為公膺所辱引刀自剄死

已上舊志已下續增

李瑞生字子玉赤源人少讀書工騎射補邑庠  
武生康熙甲寅閩中耿逆倡亂衢州震動壽  
邑土寇蜂屯蝟起皆遙領偽劄勢甚張瑞生  
奉命挺身入賊巢曉以禍福渠魁投順餘黨  
隨解散

大將軍和碩康親王疏其功授廣西提標左營守  
備粵西多猺獞時有蠢動瑞生勦撫並行在  
粵一十六年屢著勞績年七十六告歸雍正  
元年年臻百歲給昇平人瑞坊


特恩加遊擊職銜食守備全俸三年平年百有二歲  
瑞生習韜畧家言頗通文史圖書置座有儒  
將風

戴瑞字華封坊郭人任章邱知縣章邱戶稠賦  
重簿書繁劇瑞性強記凡訟牒文案畧擬大  
綱雖數十條皆默識於心判決合宜事無壅  
滯野有飛蝗瑞親往捕為文禱於神取一蝗  
吞之其災遂熄百姓哀其行事繪二十四圖  
以獻立祠以祀者凡數處

洪如琅字季玉市心人府庠拔貢生淹貫史書

嘗修縣志任魯山縣丞攝縣事有惠政年八  
十致仕歸視聽不衰時挾冊自娛孫晟以廩  
生克貢能世其家學

翁纘侯字君緒清泉人年十八中康熙丁卯科  
武舉慨懷有志畧屢上公車循資授江南宿  
州衛千總革除銅弊督運數次累著勞績陞  
授湖廣常德府水師營守備常德為提督駐  
劄之地五營將領及城守水師兩營同居一  
城旌麾梭織輯睦非易纘侯隻身調停其間  
上下和協軍政肅然貴州苗亂檄湖南兵助





勦績侯諭以禍福不折一矢苗人投順以功  
議陞都司僉書尋以年老致仕

忠義

君臣之義無所逃於天地之間時不可為  
有死而已五代史死節有傳蓋以表忠也  
邑當宋元之世成仁取義歷有其人其凜  
凜生氣萬古不磨特書之以勵臣節志忠  
義

宋

翁開五都航川人政和五年進士宣和二年攝

清溪縣尉值方臘盜起開領所部與賊戰被  
執誓不絕口遂遇害

葉鑛字勉明一都厚堂人有文武才宣和二年  
清溪方臘為寇鑛與龍溪洪基護鄉井有功授  
忠訓郎瑞州軍馬都監靖康二年金人犯京  
師與王時雍守東壁粘罕攻城急鑛守禦甚  
力遂死之

徐梅龜字臞叟仁和坊人性剛介工文詞舉筆  
立就以春秋魁鄉闈尋登第授迪功郎安豐  
軍霍邱縣尉端平三年蒙古兵犯境梅龜親

率土人王鎔等築寨安陽諸山為保障計嘉熙元年蒙古兵又至梅龜以身先士卒敗其師俘獲甚眾二年春蒙古大舉入寇梅龜與戰失利顧謂其子尚古曰彼眾我寡我知之矣委質為臣有死無二汝其行乎尚古曰大人既能死忠尚古豈不能死孝乃轉戰益力至黃家渡父子皆遇害淮西制置以聞梅龜贈宣教郎知霍邱縣事官其子汝古進武校尉尚古贈承信郎官其子肅進義校尉梅龜著有春秋指掌圖若干卷行於世

鄭采翁字秀華六都人性剛果好讀書屢試不第居家學兵法見宋將亡慨然有勤王之志元人圍臨安采翁倡義起兵郡人朱天錫等應之收集鄉民潰卒設部伍習騎射義聲感激人皆効死俄臨安失守兩宮比去元將唆都陷嚴州知州事方回迎降唆都至白沙渡采翁率所部力戰兵敗被執不屈而死

明

徐資副都御史節文戍貴州正統間苗獠猖獗資隸某幕下一日出兵勦寇問資以進退資

曰是有伏不可遽入某忽其言卒攻之不利而資以死殉時稱之曰先事有謀臨難伏節資其人也收其屍不可得以衣冠葬忠節崗孝弟

周官著六行之教孝友為先史自晉書而下有孝友傳所以重天倫也壽昌有以至孝名鄉者其姓名在燿燿間無乃表彰未至耶今逢

聖朝曠典忠義孝弟有專祠俎豆馨香垂型百世可不翫縷書之乎志孝弟

宋

周大雅三都人業進士治平中居親喪廬墓三年羶葷不入口有羣鳥馴其傍衢州趙清猷公抃還自京師過縣訪焉請於朝錫以束帛改鄉曰至孝里曰求忠令其故居在艾溪南杭嶺下距縣一里許

徐尚古梅龜子事見忠義門徐梅龜傳

元

李天祐字國器仁四都人大德五年進士授蘭谿州知州有善政蘭人謠曰李國器政平易撫

方有方民樂又嘉穀一莖生五穗丁母憂廬墓三年芝生坐隅縣尹韓郁以聞上遣使徵之不起至元間復表其門所著有養恬集

明

洪汝文字文同市心人性友愛與兄共居醋坊巷西同氣怡怡一日兄病其隘汝文遂悉讓兄而自構巷東棲焉其子孫多有掇科名者洪祚字天祐景德子幼能詩治書經補邑庠生以貢入南雍疏運河便宜數事未仕而卒作天性醇厚於兄弟尤篤分田宅每自取其荒

頓者人或諷之答曰設祖父無所遺亦將與較耶所著有家廟義庄制禹貢節要詩文若干卷

鄭中仁邑庠生家貧力學割股肉療祖母營葬三喪不以累諸弟例免丁田先推免其弟者

鄉黨重之

舊志遺此今從府志補入

吳惟宗三都吳山人性純孝成化間其叔以解糧赴京師惟宗一日侍食父側父嘆曰汝等安享飽暖獨不念汝叔羈旅都下忍飢苦寒耶惟宗即日啟行省叔於數千里外時同鄉

官於朝者數十人嘉其行誼作敦倫序復為  
詩歌送之惟宗歸卒於杭城年二十九

劉應龍六都勞村人邑庠生少失父獨與母居  
身不離母側常曰古人不以三公換一日養  
方赴試白學使者歸省親許之弟病鼻衄醫  
云得犀角可療應龍百方覓得一犀帶治之  
視兄子侯如己子嚴課舉業侯年十九登賢  
書

翁遂字德進清泉人早喪母事父至孝冬溫夏  
清每朔望禱於神求延親壽父疾湯藥必先  
嘗妻亡不娶父沒廬墓三年過忌日持香拜  
墓下雨雪不廢有司上其事嘉靖二年例賜  
冠帶

蔣一鵬東門人為某州吏日以親老歸養捐俸  
建宗祠與人言必以睦族為先人服其教時  
謂有王彥方風舊志列吏  
職今入此

吳定字元正邑西蕪潭人尚節氣重然諾以親  
老不應舉痛癢抑搔親呼之未嘗不在側娶  
翁氏閨門有禮年三十六而卒定遂不娶

吳淇字慶積定曾孫襁褓失怙祖處振教以句

讀甫成童祖歿哀毀逾禮母周氏嘗嬰風疾  
淇叩頭顙天流血被面時大雨淇所居前後  
蒼溜流血移時觀者駭異母病尋瘥人以為  
孝感

洪應珠字人玉少穎悟年十六補邑諸生父禹  
功謁選卒京師應珠徒跣走數千里隻身扶襯  
歸祖父母皆七旬孀母熒獨應珠筆耕贍親  
甘旨無缺相繼三喪不以貧故廢禮教二弟  
如嚴師學使者嘉其行以異等優之

皇清



毛蔚然字豹文坊郭人早歲食餼試輒高等性  
篤孝事繼母如所生父歿撫弟閤然訓誨甚  
嚴弟有不率輒涕泣告曰汝若不類是予弗  
克子也弟感激受教年舞象補博士弟子人  
以元方季方目之蔚然屢舉優行後貢入禮  
部高尚弗仕怡情詩酒以卒  
已上舊志已下續增

方璟字丹書邑庠生讀書必析其義熟史事後  
生有材性者娓娓為之講說尤辨六書之學  
謂昌黎有言欲學為文先須識字所謂識字

者古人點畫偏旁皆有其義混之則非其字非其字則非其義故當剖析而精研之母愛少子臧獲構言謂有橐中裝遺之環重傷母意不敢問母年八十為文以祭云功令頒童子試四書文一小學論一因授長孫暨謨及諸徒小學至王哀朱壽昌數節淚濕沾襟而內篇云事親有隱無犯事君有犯無隱此檀弓之言幼時滑口成誦今一感觸中心若抽垂髻就傅白首校徒而童子所試之書毫末未盡徒執卷自傷耳其至性如此路有遺金


者榜於衢栢之其人餽炭以謝笑而受之其為善不迓名皆此類云

方元楷字彥璋後街人歲貢生任富陽學訓導性篤孝母歿元楷年已六十辟踊哭泣若孺子慕家貧祖未獲葬所元楷銖積寸累獨力營之不以問諸期幼有孤姪分田給之更孳孳謀其生計年七十分教富陽貌端凝望之可畏及與言藹然如坐春風中常述胡又定立心忠孝不欺行己端莊清慎之語以最多士官十年而歸歸又數年而卒年八十六生

平不欺暗室不作誑語不設機心論者稱為  
金玉君子良不愧焉

蔣協字以心東門人歲貢生昆弟三人兩兄既  
歿協撫其孤如己子捐腴田五十畝入家祠  
族有貧不能娶者給租助之名其田曰昌嗣  
邑令單鈺題其冊曰蔣子以心貧士也以硯  
田置產乃慨然有慕乎范文正公之為人立  
義田為族人謀嗣續斯其立意可不謂矯然  
特出者歟云云性尤俊爽善談論稠人廣坐  
每出一語必壓羣心

毛儁字彥臣坊郭人邑庠生父翹有名諸生間  
儁少好讀書思繼父業父歿葬萬松山其地  
有蟻封儁寢處不甯乃故葬每上塚躑躅竟  
日兄之鵬早亡遺孤生數月嫂亦隨歿儁撫  
之成立鄉邦稱之





壽昌縣志卷之八

壽昌縣志卷之八

嚴州府

知府事加六級紀錄九次吳士進  
同知府事加三級史鳳輝  
全鑒定

壽昌縣知縣加一級紀錄四次鍾沛主修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

儒林

經籍具存微言恐墜研精覃思以開來而  
紹往儒者之功也壽昌諸前哲有自陳本